

— 1300 кў илгӑх. Джил болгън хӧ ӧсгӑгӑнд илгӑгдджӑх багъчудин 70 процентнӑ колхоз, совхоз, МТС болн МЖС-ур йовулгдхмн. 1960 джилд малин халхар 6 минъгън комсомольцнр кӧдлхмн,

Джил болгън, хӧбнӑ хургъллгън эклхлӑ сакманщикӑр 6—7 минъгън комсомольцнр болн багъчуд илгӑхмн;

б) „Хальмгин кӱндтӑ багъ наста хӧбч“ гидг нер шунмгъа хӧбчнрт зуулгъхмн;

в) Приютненск района хӧ ӧсгдг 4-ч совхозд оньдинд кӧдлдг, нег сара хӧбч багъчудин курс бӱрдӑхмн. 1957 джилд эн курсд 250—300 хӧбч багъчуд сурх зӧвтӑ;

г) 1957 джилд хӧбнд искусственин кӧг тӑвдг 200 техникӱд белдхмн;

д) Искусственин кӧг тӑвлгъиг сӑӑнӑр болн цаглань кедж дуусхин тӧлӑ, колхозмуд, совхозмуд болгънд эргдж искусственин кӧг тӑвдг 5-6 пунктс бӱрдӑхмн;

е) Хӧбнӑ киргългъиг сӑӑнӑр кехин тӧлӑ 1958 джилин негдгч кварталд 1500 комсомольцнрт хӧ киргъдг дасххмн;

ж) 1958 джил хургълх хӧбдин 70 процентнӑ эрт-увлӑр хургълулгдх учрар, танъгъчин багъчудин чидлӑр 500 дулан кошар бӑрхмн;

з) Сар болгън „Хӧбчин багъчудин ӧдр“ гидж темдглхмн. Эн ӧдрлӑ хӧбч багъчуд хоорндан дамшлт, кӧдлмшиннӑ аациг кӱӱндх. Эн ӧдрлӑ хӧбч багъчуд сӑӑнӑр амрх зӧвтӑ;

и) „Советская Калмыкия“ болн „Хальмг унн“ гидг газетмӱдӑр дамджулдж хӧбч багъчудин дамшлт тархахмн.

Танъгъчин комсомолин активд ирсн багъчуд нань чигн кесг олн даалгъврмуд авб. Тер тоот цугъар Хальмг танъгъчин хӧ ӧсгӑгӑндик туста кӧдлмш.

Мана Хальмгин комсомольцнр болн багъчуд Партин болн Правительствин дуудвриг унн седклӑрн кӱцӑхнӑ унн.

## Авсн даалгъврмуд

Танъгъчин комсомольск активд орлсн комсомольцнр болн багъчуд эврӑннӑ уурмудиннӑ нерн деерӑс ик даалгъвр авцхав.

1957 джилд ода бӑӑх хӧбнӑ то деер 378 минъгън толгъа хӧ ӧсгх, хӧн болгънас 5-д килограмм ноос авх, 1960-ч джилд танъгъчин хӧбг 3 сай толгъа кӱргдж, селӑнӑ эдлахун 100 гектарас—304 килограмм ноос авхин тӧлӑ комсомольцнр болн багъчуд им даалгъвр авцхав:

а) 1957 джилд ода хӧбнд кӧдлджӑх багъчуд деер 800 кӧвӱд, кӱӱкд илгӑх, 1958 джилд—1000 кӱ, 1959 джилд